

Менам муса чужан муӧй

Менам чужан муӧй - тайӧ Коми му. Чужан сиктӧй - Шӧръяг посёлокӧй. Тані велӧдчисны став менам рӧдвужӧй: мамӧй, ыджыд батьӧй и со ми воккӧд велӧдчам. Тані и олам ставным. Шӧръяг нимыс артмӧма абу прӧстӧ сідз. Посёлокным сулалӧ быттьӧ яг шӧрын. Гӧгӧрбок быдмӧ – шувгӧ помтӧм – дортӧм парма вӧр. Миян вӧрным озыр тшак-вотӧсӧн, звер - пӧткаӧн. Быд гожӧм ми ветлӧдлам вӧрӧ тшакла, вотам быдпӧлӧс тусь: чӧд, пув, ӧмидз, оз. Градйӧрын да видз вылын эм уна мича дзоридз.

Посёлоксянь неылын визувтӧ Эжва - матушканым. Юным миян тшӧтш озыр чериӧн. Ми радейтам гожӧмнас кыйсьыны шатинӧн, котралам купайтчыны, лыа вылын гожйӧдчыны. Рытьяснас туй вывтӧ шарьялам великӧн, ворсам дзебсясьӧмысь да ещӧ унаторйысь ворсам мачӧн.

Тӧвнас ывлаыс ещӧ на мича, быттьӧ мойдыввса серпас аддзан. Еджыд лымйыс шонді водзын синто ёро - сёйӧ. Челядь исласьӧны лызьӧн либо даддьӧн кыр йывсянь. Кӧдзыд, но гортӧ дыш пырны. Сынӧдыс сӧстӧм, лолалан да быттьӧ он пӧтлы. Посни лӧбачьяс лӧбалӧны пуысь пуӧ, корсьӧны сёян. Ӧшинь улын ме ӧшӧді налы кормушка, пуктӧ сэтчӧ шыдӧс, мед сёясны. Жальӧсь ӧд!

Тулыснас ставыс ловзьӧ. Ловзьӧ ывлавыв, ловзьӧны йӧз. Миян йӧрын мичаа дзоридзалӧ льӧм пу. А кутшӧм сылӧн дукуыс чӧскыд! Быдӧн мыйкӧ вӧчӧ - ноксьӧ керка гӧгӧрыс. Воӧ пуктысян кад.

Ар – тайӧ медмича кадколаст. Кыдз пуяс ыпъялӧны вижӧдӧм корьясӧн, пипулӧн корйыс гӧрдӧдӧ, сійӧ ещӧ на мичаӧн кажитчӧ ылісянныс. Татшӧм мичлунсӧ он аддзы ыджыд карьясад.

Ме радейта ассьым Чужан муӧс, чужан сиктӧс. Кӧть кытчӧ ог мун, пыр гортӧ кыскӧ бӧр. Ӧд тані став менам рӧдвужӧй, тані менам чужан керкаӧй, муса велӧдчанінӧй, дона ёрт -пӧдругаясӧй. Кутшӧма жӧ ме радейта тӧнӧ, муса чужанінӧй!